

և ամթալից մնացին: Եւ այս եպիսկոպոս և Կամենիցի եպիսկոպոսն ՔԺօնց Տեւո՛ղ եկին ի եկեղեցին մերոյ, և տեսին զպատարազն մատչելն, և զմկըրտութեան կարգն և զխորհուրդն. և բազում հարցաքննութիւն արարին ի մէնջ, և մեք ազգս Հայոց ըստ պատշաճի իրի պատասխանի արաք նոցա. զոր և փառս տալով գոհացան զԱստուծոյ, որ է օրհնեալ:

1571. ԹՎ. ՌԺԹ. Փետրուարի Զ, օրն երկուշարթի Բուն բարեկենդանի, ի քաղաքս Կամենիցս ի յայսմ ամին՝ մեծ գետյարուց եղեւ, զոր քաղաքին զխապախներն կոտորեց, և զլրաղացքներն աւերեց, և զկարմունջներն տարաւ. և զգեղանքն հացի (համրաբք ցորենոյ) և խոտք շատ տարաւ. և բազում պակասութիւն տարաւ քաղաքիս և ամենեցուն: Զոր այս ամենայն եղեւ վասն բազում և զանազան մեղաց մերոց. զոր Տէր Աստուած զվերջն ի բարին դարձուցէ, և ամենեցուն մեղաց թողութիւն պարգեւեցէ. ամէն:

1571. ԹՎ. ՌԺԹ. Օգոստոսի ԺԵ. Հրամանաւ Թագաւորին երեք իշխանք եկին ի Կամենիցս, որք էին Լիւսդրադորներ (քննիչք), և շրջեցան ընդ ամենայն աշխարհն և ընդ քաղաքն Թագաւորական, և զամենայն ինչ հարցաքննեցին՝ զկարգն և զսահմանքն, և ի գիր առին, և գնացին. և կացին երեք շաբաթ. և մինն ի նոցանէ եկաւ ի եկեղեցին Հայոց, որ էր Թագաւորին սեգրըդար (խորհրդական կամ դպիր):

1571. ԹՎին. ՌԺԹ. Հոկտ. ԺԵ. Բան Վլոտքո Մացէյ՝ որ էր իշխան քաղաքիս, առ Աստուած փոխեցաւ. զոր Տէր Աստուած ողորմի իւր հոգոյն, և ընդ բարեպաշտ իշխանսն դասեցէ, և երկնից արքայութեան արժանի աւրացէ. քանզի յոյժ բարեհոգի ոմն էր, հեզ և խոնարհ. մանաւանդ զՀայոց ազգն քան զամենեւեան առաւել սիրէր և ընդունէր. և էր սղարոսդայութեան (աւագութեան) նորա ամբ 28¹:

1571. ԹՎ. ՌԺԹ. Դեկտ. ԻԱ, օրն է հինգշարթի: Բան Բողացքիյ, Բան Միքօլայ նստաւ իշխանութիւն Կամենից քաղաքիս, հրամանաւ Թագաւորին. զոր Տէր Յիսուս տացէ նմա հոգի հեզութեան և երկիւղի և աստուածպաշտութեան, զի լիցի ըստ հրամանի սրբոց պատուիրանացն Աստուծոյ:

1571. ԹՎ. ՌԺԹ. Բարեպաշտ Թագաւորն մեր Զիկմունդ Ակուստուս խռովեցաւ ի վերայ քաղաքիս Կամենիցոյ, և զտամղան (ազատագիր մաքսի) որ շնորհել էր քաղաքացոց՝ որ չէին ի տալ տամղա Խլախի աշխարհ, նայ հիմիկ յայլի հրաման առաւ՝ զի տայցեն. բայց յոյս ունին քաղաքացիքն՝ զի այլվի գթացի և ողորմեացի ի վերայ այս աղքատ քաղաքիս, և կրկին ազատութիւն շնորհիցէ, որպէս առաջ քան զայս. զի թէ ըստ պատշաճի իրացն երթայցեն և հայցեսցեն ի նմանէ, կարող է նոցա զայդ առնել, որպէս քրիստոսասէր Թագաւորն:

1. Զնոյն բան գրէ և այլուր, յաւելլով, « հասեալ ի բարի և խորին ծերութիւն »: